

四庫全書

子部

欽定四庫全書

六藝之一錄卷六十七

錢唐倪濤撰

石刻文字四十三

唐碑

豐碑

唐中書延安靖公竇威碑

于志寧撰武德九年

京兆金
石錄

唐虞世南碑

貞觀二年閏二月五日立在會稽縣南二十里

訪碑
錄

唐杜如晦碑

虞世南撰八分書无姓名貞觀四年

右唐杜如晦碑虞世南撰驗其字畫蓋歐陽詢書也如晦唐人偉秀者史家立傳不應草草今以碑考之頗多異同傳言如晦大業中嘗以選補滏陽尉棄官去而碑言在隋起家為雍州從事及煬帝幸江都代王使君判留守事蓋如晦未嘗為滏陽尉而亦未嘗棄官去也傳言秦王為皇太子授左庶子而碑作右

庶子傳言為檢校侍中攝吏部尚書而碑作攝侍中
吏部尚書傳云其祖名果而碑所書乃名徽傳云謚
曰成而碑所書乃誠也蓋此碑乃太宗手詔世南勒
之于石其官爵祖父名諱不宜有誤皆可以證史氏
之失矣

金石錄

徐州都督房彥謙碑

李百藥撰歐陽詢八分書貞觀五年正月

金石錄

右唐房彥謙碑彥謙玄齡父也在隋任司隸刺史出

為涇陽縣令卒官不大顯而隋書立傳二千餘字者
蓋脩史時立齡方為宰相故也彥謙自曾祖而下三
世皆封壯武侯隋唐史立齡碑所書皆同獨此碑作
莊武未知孰是碑李百藥撰歐陽詢八分書在今齊
州章邱縣界中世頗罕傳

金石錄

房彥謙碑陰

右唐房彥謙碑陰具載彥謙歸葬恩禮儀物之盛太
宗遇立齡可謂厚矣蓋厚其禮所以望其報也太宗

可謂善任人矣

金石錄

大理卿郎頴碑

李伯藥撰宋才正書貞觀五年十一月

金石錄

唐郎頴碑李伯藥撰宋才書字畫甚偉頴父名基字世業而李伯藥書頴世次但云父世業又書頴兄茂碑亦然考其碑文有皇基締構之言則基字當時公私無所諱避而於書世次字而不名不詳其義也是

以君子貴乎博學

集古錄

唐中書侍郎李百藥撰前驃騎大將軍宋才書頴字

楚之歷任隋唐至大理卿柱國恒山公致仕卒謚曰

平碑以貞觀五年十月立在府北郎氏墓林中

集古錄目

右唐郎頴碑李百藥撰歐陽公集古錄云頴父名基

字世業而百藥書頴世次但云父世業又書頴兄茂

碑亦然考其碑文有皇基締構之言則基字當時公

私無所避諱而百藥書頴父字而不名不詳其義是

以君子貴乎博學余按隋及唐初人多以字為名故

雖一時名公卿其名字混淆畧不可攷又案穎字楚之其事迹雜見于北史隋書皆書為楚之而不載其名穎獨唐書郎餘令傳云祖穎字楚之至于傳中敘述行事止稱楚之疑其亦以字行耳

金石錄

平公官屬題名

不著書人名氏平公穎也凡柱國府僚佐故吏長史司馬掾屬叅軍典籤及恒山公府國官國令大農常侍侍郎國尉典尉舍人城局廟長學官長食官長丞

廢牧長丞典府長丞親事百三十餘人在頴碑陰

集古

錄

目

尚書左丞郎茂碑

李百藥撰張師立正書貞觀五年十一月

金石錄

黃君漢碑

李百藥撰正書无姓名貞觀六年

金石錄

唐東宮左庶子李百藥撰不著書人名氏君漢字景

雲東都胙縣人羅刹之子唐初官至夔州都督封號

國公碑以貞觀六年立

集古錄目

逸民裴高士碑

正書无書撰人姓名貞觀八年正月

金石錄

丹州刺史張崇碑

正書无書撰人姓名貞觀八年十二月

金石錄

右唐丹州刺史碑首尾已殘缺其可見者云公諱崇

字平高按新唐書劉裴傳後載起義功臣事迹有張

平高云綏州人從唐公平京城累授左領軍將軍蕭

國公貞觀初為丹州刺史坐事以右光祿大夫還第

卒今以碑考之其事皆同惟傳以字為名耳

金石錄

宕渠令孟畧碑

正書無書撰人姓名貞觀十年

金石錄

益州長史裴鏡民碑

李百藥撰殷令名正書貞觀十一年十月

金石錄

右唐裴鏡民碑殷令名書令民與其子仲容皆以能

書擅名一時而今名遺跡存者惟此碑耳筆法精妙

不減歐虞惜不多見以為恨耳

金石錄

姜寶誼碑

正書无書撰人姓名貞觀十二年十月

金石錄

唐太子少師竇良碑

唐于志寧撰王行滿書貞觀十二年立在三原

京兆金石

錄

唐益州長史郭福善碑

碑首殘缺不見書撰人名氏福善字福善太原晉陽

人唐初官至益州都督府長史謚曰慎碑以貞觀十

二年立

集古錄目

河間元王碑

岑文本撰于立政正書貞觀十四年

金石錄

右唐河間元王孝恭碑按新唐書孝恭自宗正卿歷

涼州都督晉州刺史貞觀初為禮部尚書以卒今以

碑考之自太宗正遷禮部尚書坐事免尋復舊任俄

授梁州都督改晉州刺史與司空無忌等同時再拜

觀州刺史世世承襲復授光祿大夫禮部尚書蓋孝
恭凡三為尚書一免官一拜世襲刺史本傳皆不載
而以梁州為涼者亦誤也入唐初功臣皆云圖形凌
煙閣而此碑乃作戢武戢武之名不見於他書惟當
時石刻數數有之宣凌煙先名戢武而後改之耶

金石

錄

于立政字匡時京兆高陵人志寧子官太僕少卿
號州刺史見唐書宰相世系表

李先生碑

田世榮撰劉君謬正書貞觀十四年七月

金石錄

唐贈徐州都督秦瓊碑

唐許敬宗撰貞觀十三年

京兆金石錄

龍門令皇甫忠碑

貞觀十四年著作佐郎李儼撰忠為泰州龍門令歲
滿縣民前左勳衛裴公隱等一千三百人申省請留
八座報云公等請來遲晚縣令今已替訖好人堪用

縣國共須宜一縣士庶獨懷恻惜所請不允忠以唐
太宗時為令當時臺省文字如此可愛泰州者義寧
元年以河中之汾陰龍門置治汾陰武德二年徙治
龍門太宗十七年州廢今碑後列縣人姓名有錄事
鄉長鄉老里正縣博士助教佐史等今之縣吏惟錄
事里正其名在爾

集古
錄

獨孤使君碑

正書無書撰人姓名貞觀十七年二月

金石
錄

右唐獨孤使君碑云君諱某字延壽而其名殘缺不可辨延壽阤子也隋書外戚傳云阤二子延壽延福元和姓纂亦云阤生延壽皆不著其名又姓纂云延壽封新蔡公而碑云封新蔡縣開國男亦當以碑為

正

金石錄

褚遂良書

金石錄

唐歐虞褚薛皆以書名此碑精勁可愛不知出于誰手趙明誠金石錄之第五百九十五謂無書撰人姓

名今其前乃題于志寧製文又謂君諱某字延壽名
殘缺不可辨今熟視之左從言右亦彷彿可尋至于
隋唐間多以字行則歐文忠公跋顏勤禮神道碑論
之矣友人曾無愧持此相示為題其後

益公
題跋

襄州刺史鄒襄公張公瑾碑

釋法琳撰蘇敬雅正書貞觀十七年七月立襄陽圖

經云碑今亡

復齋
碑錄

秦州都督姜確碑

于志寧撰釋智辨正書貞觀十九年十月

金石錄

相州刺史侯莫陳肅碑

正書無書撰人姓名貞觀二十一年

金石錄

右唐侯莫陳肅碑肅隋桂州總管穎之子也元和姓纂所載侯莫陳氏云其先後魏別部居庫斛真水周書云代武川人世為渠帥隨魏南遷為侯莫陳氏余嘗得穎及穎之孫涉墓誌皆云本劉姓系出漢楚元王後穎墓誌則以為父崇魏時賜姓涉墓誌則以為

崇王父豐後魏時賜姓二說已自不同而肅碑乃云
漢中山靖王勝之後勝曾孫邵謀誅王莽不密避難
于代因左言而命氏改姓侯莫陳焉自古史傳所載
容有異同顏肅涉三世歲月相接而碑誌所書自相
乖戾如此皆莫知其孰是宜其姓氏本出代北而唐
初以族望相高故妄言出于名胄以欺眩世俗初無
所稽據乎不然殆不可考也已

金石錄

晉州刺史裴府君碑

上官儀撰正書姓名殘闕貞觀二十三年

金石錄

楚哀王雅詮碑

唐歐陽詢撰并分書王名雅詮字集弘高祖之子也
隋大業末高祖起兵于太原王在京師見殺高祖輔
政追封楚公謚曰哀武德初進爵為王碑不著所立
之年歐陽公時為給事中

集古
錄目

工部尚書晉昌郡王碑

唐于志寧撰歐陽詢書貞觀中立

京兆金
石錄

隋工部尚書段文振碑

潘徽撰歐陽詢八分書貞觀中立

金石錄

燕府君碑

李儼撰在霍邑

墨池編

樊知遷碑

在江原縣淨居寺顏師古文

輿地碑目

什鉢苾碑

太宗詔岑文本為突利可汗什鉢苾碑文

舊唐書突厥傳

思摩碑

頡利族人思摩入朝授右武衛將軍從征遼東為流矢所中太宗親為吮血未幾卒於京師贈兵部尚書

詔為立碑於化州

舊唐書
突厥傳

刑部尚書彭城襄公劉德威碑

唐許敬宗撰李玄模書永徽二年立在三原

京兆金
石錄

貞觀初為綿州刺史以廉平稱百姓為之立碑

舊唐
書本

傳

聞喜縣令江彥碑

正書無書撰人姓名永徽二年十月

金石錄

唐司空王仁佑碑

于志寧撰于立政正書永徽二年

京兆金石錄

鄧慈碑

正書无書撰人姓名永徽三年正月

金石錄

唐贈荊州刺史尹愬碑

蘇說撰郭謙光分書永徽三年立

京兆金石錄

唐戶部尚書楊纂碑

令狐德棻撰郭廣敬書永徽六年

京兆金石錄

唐魏州刺史王波利碑

不著書撰人名氏忠公姓王氏名濤字波利越雋
郡人仕唐為內給事官至魏州刺史真定縣公碑以

永徽中立

集古錄目

左驍衛大將軍翟仵碑

永徽二年立在東京

金石錄

訪碑錄云在長垣縣東南二十五里墓側永徽

二年
基

樂彥瑋碑

劉緯之撰

墨池
編

賈敦頤碑

崇棣碑在河南縣西修行寺永徽初賈敦頤弟敦實
前後為洛州刺史並有惠政百姓立二碑於此時人

號為崇棣碑

太平寰
宇記

贈左僕射楊達碑

正書无書撰人姓名顯慶元年

金石錄

不著書撰人名氏遂寧郡公姓楊氏名達字叔莊弘

農華陰人隋之宗室煬帝世官至納言封遂寧郡公

謚曰懿唐武后其外孫也顯慶元年追贈左僕射仍

為立碑

集古錄目

楊達觀王雄第也煬帝時官至納言卒贈吏部尚書

唐顯慶中以武后外祖父加贈左僕射官為之立碑

以隋書列傳考之時有異同傳云字士達而碑云字

叔莊傳云年六十二而碑云年六十五皆當以碑為

正又傳云謚恭而碑云謚懿余集錄有李嶠所撰武

后母墓碑亦云謚為恭與傳合未知孰是也

金石錄

紀公碑

正書無書撰人姓名顯慶四年三月

金石錄

雲麾將軍燕巒碑

正書無書撰人姓名麟德元年正月

金石錄

乙速孤晟碑

正書無書撰人姓名麟德元年二月

金石錄

後魏郢州刺史劉賓碑

八分書無書撰人姓名麟德二年其孫立

金石錄

益州都督程知節碑

許敬宗撰暢整正書麟德二年十月

金石錄

盧國公程知節碑唐侍中中書令行右相許敬宗撰

暢整書知節字義貞濟州東阿人官至鎮軍大將軍

贈驃騎大將軍碑以麟德二年十月立在昭陵

集古錄目

越州都督于德方碑

從弟志寧撰蘇季子分書麟德元年四月建在三原

復齋碑錄

趙弘智碑

于志寧撰殷仲容正書并篆額麟德二年

金石錄

右唐趙弘智碑云弘智字處仕而史不載又云自太

子舍人為吏部員外郎遷國子博士檢校吏部郎中

尋為越王府長史兼檢校吏部侍郎遂轉黃門侍郎

舊史亦云累遷而新史直云由太子舍人拜黃門侍

郎耳又弘智為國子祭酒嘗領東宮賓客而新舊史

亦皆不載

金石錄

蘭長史碑

正書无書撰人姓名麟德二年

金石錄

舒州刺史楊承仙碑

張昌齡撰正書無姓名乾封元年

金石錄

司元太常伯竇德立碑

李儼撰姪節正書乾封元年十月

金石錄

右竇德玄碑以唐史本傳考之其事多合惟德玄為
御史大夫攝吏部禮部度支三尚書遂遷大司憲史
皆不載又其弟德遠史云封樂安男而碑作樂平皆
當以碑為正

金石錄

于志寧碑

令狐德棻撰于立政書乾封元年十一月

金石錄

右唐于志寧碑考唐史列傳其徵時所歷官吏多不
書今亦不復錄錄其尤著者碑云大業十年為清河

縣長而傳云為冠氏長碑云自中書侍郎遷兵部侍郎授蒲州刺史不赴後為衛尉卿判太常卿事以本官兼雍州別駕遷禮部尚書而史皆不載史云自侍中拜尚書左僕射同中書門下三品頃之兼太子少師遷太傅顯慶四年以老乞骸骨詔解僕射更拜太子太師仍同三品今以碑考之其初拜僕射也未嘗領中書門下三品至罷僕射乃為同中書門下叅謀朝政皆史家之誤又按百官志唐初宰相有叅議朝

政預朝政叅知政事其後有同中書門下三品同平
章事永淳中遂以平章事入銜而獨無叅謀朝政之
名蓋惟見於此耳

金石錄

滁州刺史劉君碑

李儼撰顏有意正書乾封二年二月

金石錄

唐襄州都督姜協碑

唐司列少常伯李安期撰豫王府屬直弘文館高正
臣書協字壽秦州上邽人官至夏州都督碑以乾封

二年立

集古
錄目

郭君碑

乾封二年今在汾陽北七十里郭社村

朱彛尊曰碑文有云揮霜刃而斬老生蓋從太宗攻
霍邑者按唐書宋老生投塹為劉弘基所殺而溫大
雅創業起居注則云老生攀繩上城軍頭盧君諤所
部人跳躍及而斬之今讀此乃知揮刃者之為郭君
而首二行剝裂其名字門世及撰文者皆闕其知為

郭君者藉有碑額存爾

金石文
字記

唐王屋縣令崔公碑

唐歐陽植正書乾封二年

京兆金
石錄

唐監門將軍段業碑

唐劉延祐撰孫師範書龍朔元年立

京兆金
石錄

唐司禮少常伯辛良碑

唐李儼撰蕭權正書龍朔三年歲次癸亥二月己酉

朔立

復齋
碑錄

曹王府典軍劉公碑

趙務立撰正書元姓名總章二年二月

金石錄

唐吳廣碑

總章二年吳廣碑不著書撰人名氏而字畫精勁可喜廣字黑闥唐初與程知節秦叔寶等俱從太宗征伐後與殺建成有功至高宗時為洪州都督以卒然唐書不見其名字惟會要列陪塋昭陵人有洪州刺史吳黑闥亦不知其名廣也其名字事蹟幸見於後

世者以有斯碑也碑字稍磨滅世亦罕見獨余集錄得之遂以傳者以其筆畫之工也故余嘗為蔡君謨言書雖學者之餘事而有助於金石之傳者以此也

六一
題跋

武師模碑

崔松客撰正書姓名殘缺總章三年正月

金石錄

尉遲寶琳碑

許敬宗撰王知敬正書咸亨元年正月

金石錄

唐侍中中書令行右相許敬宗撰膳部員外郎直弘文館王知敬書寶琳字元瑜敬德之子位至司衛卿

碑以咸亨元年正月立

集古錄目

淄川公李孝同碑

撰人姓名殘缺諸葛思禎正書咸亨元年五月

金石錄

孝同者淮安靖王神通之子史但附名神通傳末碑亦磨泐可讀者才半中有云太宗為秦公孝同隸焉承間啟王曰秦公瞻視非常功業又大雖非儲貳必

膺寶歷靖王心然之云云此亦可為先見矣撰文姓
氏已不可求書者據趙明誠為諸葛思禎今亦磨蝕
但其筆法虬健波拂處大類褚河南可寶也

石墨
鐫華

司農寺主簿梁幹碑

王知隱撰暢整正書咸亨元年

京兆金
石錄

興昔亡單于阿史那彌射碑

正書無書撰人姓名咸亨四年二月

金石
錄

右唐阿史那彌射碑彌射本西突厥嘗歸朝後伐龜

茲為蘇海政所殺舊唐史紀彌射事甚詳多與碑合而新史所書甚畧如高宗朝冊為崑陵都護興昔亡單于皆不載碑云單于諱某字彌射而缺其名不書

史但言名彌射宜作碑者為緣飾之乎

金石錄

幽州都督盧承慶碑

八分書无書撰人姓名咸亨四年五月

金石錄

戎州刺史董寶亮碑

李儼撰張遂隆八分書咸亨四年十月

金石錄

贈秦州都督韋琨碑

許敬宗撰虞昶行書咸亨四年

京兆金石錄

贈僕射韋陟碑

李紆撰姪元正書上元元年

京兆金石錄

越州長史李基碑

張大素撰行書无姓名上元二年九月

金石錄

尹府君碑

正書無書撰人姓名上元二年十二月

金石錄

上柱國任君碑

正書上元三年十一月今在汾州府南門外二里文侯村任君名恭官至金紫光祿大夫上柱國臨濟縣

開國男貞觀十七年二月卒

金石文
字記

任丘縣令王君碑

崔融撰八分書無姓名儀鳳元年

金石
錄

贈秦州都督竇彥璋碑

劉緯之撰儀鳳二年

京兆金
石錄

國子司業于立政碑

撰人姓名殘缺陳道玉八分書調露元年十二月

金石

錄

國子司業于可封碑

弟淑之撰調露三年立

諸道石刻錄

狄仁傑寧州碑

高宗時狄仁傑為寧州刺史撫和戎夏人得歡心郡人勒碑頌德後為豫州刺史時越王貞稱兵汝南事

敗緣坐者六七百人籍沒者五千口司刑使逼促行
刑仁傑緩其獄密表奏特赦原之配流豐州豫囚次
於寧州父老迎而勞之曰我狄使君活汝輩耶相攜
哭於碑下齋三日而後行豫囚至流所復相與立碑

頌狄君之德

舊唐書
本傳

襄州刺史封公碑

撰人姓名殘缺宋之慈正書垂拱元年十月

金石
錄

右唐襄州刺史封公碑宋之慈書字畫頗佳之慈之

問弟也兄弟皆小人之慝奴事武三思三思五狗之
慝乃其一以此知書特小技苟非其人亦何足貴哉

金石錄

麴君碑

正書無書撰人姓名垂拱六年十一月

金石錄

邛州刺史狄知慝碑

書撰人姓名殘缺載和元年正月

金石錄

揚州都督趙道興碑

李至遠撰永昌元年立

京兆金石錄

贈箕州刺史成公碑

楊炯撰正書無姓名天授元年二月

金石錄

伊州刺史衛府君碑

彭元覺撰趙楚英書天授二年立

訪碑錄

冠軍大將軍楊公碑

蘇味道撰姪楚材正書長壽元年

金石錄

龐君碑

行書无書撰人姓名神功元年十月

金石錄

長安主簿龐君碑

與前碑同

金石錄

護軍王君碑

行書无書撰人姓名聖歷二年六月

金石錄

明堂令于大猷碑

正書無書撰人姓名聖歷三年十一月

金石錄

此碑僅存強半書法全出登善峻拔道健可為傳神而書者名字遂不可求惜哉按大猷志寧之孫立政

之子志寧之玄孫休烈顯于肅代朝傳云休烈父默
成沛縣令早卒合之正為四世但不知默成者是大
猷子否趙明誠有默成碑今不可得見矣

石墨
鐫華

洛陽縣令鄭敞碑

薛稷撰并正書久視元年六月

金石錄

右唐洛陽令鄭敞碑薛稷撰并正書碑稱敞上世皆
為顯官而敞之為令綽有政績惜乎唐史無傳稷撰
此碑在武氏久視元年故碑中之字如地作堊天作

而人作臣作忠國作固授作覲正作正日作日年
作年之類皆武氏所製故當時臣下用之非天子不
考文此亦可見武氏僭竊之罪

金薤
琳琅

丹州刺史蕭宗道碑

員半千撰蔡有鄰八分書久視元年

京兆金
石錄

濮州長史蕭府君碑

員半千撰次子令臣正書大足元年四月

金石
錄

稷山縣梁君孝義碑

李秦授文八分書无姓名長安三年正月

金石錄

都官郎中孔昌寓碑

盧藏撰并八分書長安三年二月

金石錄

右周孔昌寓碑載其世系其詳云宣尼父三十六世孫也十四世祖潛吳侍中生晉豫章太守竺竺生大尚書冲冲生大司農侃侃生秘書監滔滔生江夏太守侯侯生宋尚書左丞幼幼生尚書右丞遙之遙之生中書侍郎畢畢生齊散騎常侍珮珮生梁侍中休

源源生陳黃門侍郎宗範宗範生陳散騎常侍伯魚
伯魚生隋秘書正字德紹德紹生昌寓唐以前士人
以族姓為重故雖更千百年歷數十世皆可考究自
唐末五代之亂在朝者皆武夫悍卒於是譜牒散失
士大夫茫然不知其族系之所自出豈不可惜也哉
故余詳錄於此使後學論姓氏者有考焉按此碑及
梁史皆云休源冲八世孫而元和姓纂獨以為七代

孫誤矣

金石錄

晉州長史韋公碑

楊炯撰孫希弼八分書長安三年四月

金石錄

上騎都尉相里瑞碑

正書今在汾陽縣小相里之北太師墓上太師者五代時相里金也二碑並列此碑漫滅特其其可識者上騎都尉相里府君之碑曰相里瑞字鳳威曰夫人任氏而中有而

天

塋地

曰

字知其為武后時立也

金石文

字記

祝府君碑

子欽明撰正書姓名殘缺神龍元年九月

金石錄

右唐祝府君碑府君諱緄欽明父也碑欽明自撰今
南京有漢祝睦兩碑其一言君出自重黎祝融苗胄
其一言其先高辛余按諸書重黎祝融皆帝高陽之
後帝堯高辛之子也睦碑既云出于重黎祝融又云
出于高辛自相牴牾莫可究考而此碑引世本氏姓
篇云祝氏軒轅之後也史記周本紀武王克殷封黃

帝之後於祝帝堯之後於薊樂記云封黃帝之後於

薊帝堯之後於祝蓋以黃堯本

下缺一字

同出有熊由此

史傳相交祝薊互舉參考世本惟遷近之然司馬遷

史記於族系多采世本不知世本果可盡信否蓋君

子子學有所不知闕焉可也

金石錄

唐贈秦州都督唐宗碑

岑義撰族孫從心正書神龍二年

金石錄

右唐宗碑云君諱宗字徵仁而唐書宰相世系表云

名世宗碑又云祖諱子政而世系表作二政皆當以
碑為正宗宰相休璟祖也仕隋為朔方郡丞行郡守
事大業末為賊梁師都所殺神龍中贈秦州都督金
錄

懷寧縣令慕容府君碑

徐堅撰正書無姓名神龍二年二月

金石錄

沙州司馬楊榮碑

元佑儀撰韋同八分書神龍二年三月

金石錄

榮孫元表字伯儀撰韋同分書神龍二年三月建在

蒲城縣

復齋碑錄

衛州司馬楊恪碑

張柬之撰八分書姓名殘缺神龍二年

金石錄

張柬之撰八分書姓名殘缺神龍三年歲次敦洽三

月建在蒲城縣

復齋碑錄

工部尚書姚璿碑

正書書撰人姓名殘缺神龍二年四月

金石錄

右唐姚璩碑按新唐書璩列傳云為夏官侍郎坐族
弟敬節叛貶桂州長史而碑云自兵部侍郎以敬節
犯法改授司府少卿檢校定州刺史尋即真轉都督
廣循等二十三州諸軍事廣州刺史後替還仍以前
累重貶桂州又璩為宰相時嘗為西京留守而史不
載璩以妖妄謫事武后其事蹟皆不足取而於官
職缺漏不可不記者所以正史官之失也璩微時所
歷官列傳尤簡畧今皆不復載云

金石錄

弟珽撰歐陽植正書神龍二年四月二十三日景申

復齋
碑錄

周并州總管宇文舉碑

盧思道撰楊畧正書神龍二年十月立

金石錄

右後周宇文舉碑盧思道撰神龍中其曾孫敬追建
以後周書考之官閥事迹多同惟碑云公諱舉字神
舉而史但言名神舉而已又史云其曾祖名求男而
碑止言名求史云祖名顯和而碑止言名和亦皆不

同其卒也史云宣帝以宿憾殺之而碑稱遘疾薨疑

作碑者為諱其事當以史為正

金石錄

崔仁縱碑

正書无書撰人姓名神龍二年

金石錄

唐匡城令鄭府君碑

唐校書郎吳光璧撰前國子進士李惟恕書滑州匡

城令去思頌德之碑也謹字叔敬滎陽開封人碑以

景龍中立

集古錄目

徐有功碑

徐彥伯撰景龍三年四月

金石錄

右唐徐有功碑徐彥伯撰以新舊唐史考之其本末
皆同惟舊史云長安二年卒年六十二碑云三年卒
年六十八新史亦云年六十八與碑合

金石錄

太子中舍人楊承源碑

王獻忠撰集王羲之歐陽詢褚遂良等真行書景龍

二年十月

金石錄

唐王獻忠撰集王羲之褚遂良歐陽詢等諸家書承源字嗣本弘農華陰人仕至太子典膳郎贈太子中

舍人碑以景龍三年十月立

集古錄目

洛陽尉馬克忠碑

張說撰盧藏用八分書景龍二年二月

金石錄

贈光州都督蘇瓊碑

唐嚴識立撰正書景龍四年

京兆金石錄

蘇瓊碑

盧藏用撰并八分書景雲元年十一月

金石錄

蘓許公瓌武功人景雲元年十一月葬于武功碑隸書剝蝕過半存者才十三書法猶有漢魏遺意金石略云盧藏用書而金石錄云藏用撰并書攷文苑英華藏用撰序張說撰銘今碑後猶有范陽張說字鄭趙二公未見耶

石墨鵠華

左僕射劉延景碑

徐彥伯撰張庭珪八分書景雲二年二月

金石錄

右唐劉延景碑延景女為睿宗妃生讓帝者碑云夫

人房氏以景雲元年贈沛國夫人二年歲次丁亥附
窆于延景之墓按睿宗以景雲元年六月即位改元
歲次庚戌明年歲在辛亥而碑作丁亥誤也碑載延
景四子溫玉承顏璵琪而元和姓纂以璵為瑗蓋姓
纂之謬也

金石錄

并州刺史崔敬嗣碑

胡皓撰郭謙光八分書景雲二年九月

金石錄

檢校祕書丞兼昭文館學士胡皓撰國子監太學助

教郭謙光八分書敬嗣字奉先博陵安平人官至并

州大都督府長史碑以景雲二年九月立

金石錄

右唐崔敬嗣碑胡皓撰郭謙光書崔氏為唐名族而

敬嗣不顯皓為昭文館學士然亦無聞觀其事實文

詞皆不足多采而余錄之者以謙光書也其字

畫筆法不減韓蔡李史四家而名獨不著此余屢以

為歎也

集古錄

右唐崔敬嗣碑按唐史崔光遠傳中宗在房州光遠

之祖敬嗣為刺史盡誠推奉帝德之及反正有與敬
嗣同姓名者每擬官輒超拜後名見悟非是訪真敬
嗣已死乃用其子余集錄有光遠祖墓誌其卒在武
后朝此碑敬嗣蓋中宗時誤遷官者也而碑乃云景
龍元年有制追不時至中宗對宰相稱其姓名三令
使者趣之及謁見即日拜羽林將軍二說不同宣中
宗既召見乃悟其非是歟

金石錄

集古錄曰崔為唐名族而敬嗣不顯余考之唐有兩

崔敬嗣昔中宗放房州吏多肆慢不為禮敬嗣為刺史獨盡誠推奉中宗復位有與敬嗣同姓名者每擬官輒超拜召見悟非是訪真敬嗣死矣即授子注五品官注生光遠嘗持節荆襄徙鳳翔又節度劍南其官職甚顯敬嗣亦以此知名於世昔人偶不考也

廣川

書跋

王思泰碑

李振撰并正書景雲二年

金石錄

王美暢碑

薛稷撰并正書景雲二年

金石錄

唐禮部尚書昭文館學士薛稷撰并書美暢字通理

太原祁人官至潤州刺史其女為睿宗德妃景雲中

追贈美暢至益州都督碑以景雲二年七月立

集古錄目

陶狄碑

在彭澤縣景雲中馬澤撰

輿地碑目

司農卿盧萬石碑

李義撰八分書無姓名先天元年十月金石錄

楊乾緒碑

褚琇撰權瓊八分書先天元年十一月金石錄

唐富平王溥褚琇撰正字權瓊八分書乾緒字幼紹

雍州富平人官至宣威將軍右鈐衛幽州開福府折

衝都尉清邊軍總管致仕碑以先天元年十一月立

集古
錄目

贈廣州大都督成王仁碑

唐侍郎岑羲撰岐王府參軍魏思禮書仁字千里後
改以字為名唐太宗之孫吳王恪之子官至益廣二
州都督封成王神龍三年與節愍太子同誅武三思
敗死先天二年妃慕容氏為立此碑

集古
錄目

洪州刺史王守真碑

唐賀遂涉撰崔璿書先天二年

京兆金
石錄

太僕少卿天水郡王僖碑

唐蘇晉撰魏思禮正書先天二年

京兆金
石錄

中書舍人王無兢碑

右唐王無兢碑無兢事迹附見唐書陳子昂傳後以碑考之傳頗不合傳言自殿中侍御史徙太子舍人神龍初出為蘇州司馬貶廣州讐家矯制榜殺之而碑言為中書舍人卒傳言坐與張易之等交往貶而碑云兩張弄權九有蕩析公出而無愠皆莫知其孰是據碑言無兢無子孫權知萊州刺史姚訥為買石立碑去無兢之死已遠事迹得于傳聞未足盡信也

無競東萊人墓在掖縣界中云

金石錄

姚洵撰行書無姓名無年月

金石錄

唐馮本碑

先天元年閭朝隱撰子敦直八分書

金石表

今在高陵縣西南七里府君廟

金石文
字記

唐契苾明碑

先天元年婁師德撰殷玄祚楷書

金石表

明契苾何力子也婁師德製文殷玄祚書筆法亦瘦

勁可觀碑中契必何力作河力史謚曰烈碑謚曰毅
疑史為誤碑中叙明子前曰長男從後曰聳二字自
相牴牾且明長子從襲封涼公而后云孤子息涼國
公嵩立又何也明墓於萬歲通天元年碑立於先天
二年仍稱大周革命仍用武后製字都不可曉

石墨
鐫華

今在咸陽縣

金石文
字記

補

徐王元禮碑

咸亨三年崔行功撰趙仙客書元禮唐高祖子也以
碑考傳年壽官闕悉同而碑云使持節徐蕪泗三州
諸軍事徐州刺史又云贈太尉使持節大都督冀相
貝德滄景魏博等八州諸軍事冀州刺史傳云為徐
州都督又云贈冀州大都督傳既簡畧又都無法而
碑之所書亦失也蓋刺史非兼州之官都督非一州
之號碑云持節徐蕪泗三州諸軍而傳獨為徐一州
刺史此其失也當如前史持節秦涼州諸軍事秦涼

二州刺史乃為得爾其書贈官則如碑之書是矣蓋
為一州刺史而兼督八州軍事爾都者有所兼總之
名也此特小故而余區區辨之者前史失之久矣又
國朝自削方鎮之權而節度使都督無復兼州而舊
名不除是節度都督自施於已此不可不正其失也

集古
錄

六藝之一錄卷六十七

欽定四庫全書

子部

六藝之一錄卷六十八

詳校官中書臣陸 湘

貢外郎臣牛稔文覆勘

總校官檢討臣何思鈞

校對官中書臣陸 湘

謄錄監生臣范 鐘

欽定四庫全書

六藝之一錄卷六十八

錢唐倪濤撰

石刻文字四十四

唐碑

豐碑

贈右僕射王洎碑

盧藏用撰甘獻誠八分書開元二年二月

金石錄

右唐王洎碑洎王仁皎父也元和姓纂唐書宰相世

系表皆云名文洎而碑云名洎字文洎云

金石錄

安樂府典軍田孝脣碑

王澹撰正書无姓名開元二年又二月

金石錄

雋州都督姚懿碑

胡皓撰徐嶠之正書開元三年七月

金石錄

右唐姚懿碑懿崇父也據碑及唐書宰相世系表皆

云公諱懿字善意而崇子奕碑與元和姓纂乃云名

善意宜非以字行乎懿隋末唐初人仕至雋州都督

開元間崇為宰相立此碑

金石錄

唐幽州都督孫公碑

金石略作延州刺史贈幽州刺史太常卿孫公碑

唐徐彥伯撰開元二年

京兆金石錄

唐左僕射太子少保徐國公劉公碑

金石略作左僕射太子少保睦杭二

州刺史劉公碑

撰書人缺開元三年

京兆金石錄

唐崔慎碑

紫微侍郎蘇題撰慎孫太常博士璿八分書慎字行

謹博陵安平人官至滄州湖蘇令其子元暉神龍中

為中書令封博陵郡王追贈慎幽州刺史碑以開元

三年立

集古錄目

杭州刺史裴愔碑

族子子餘撰孫令行書盧曉八分書題額開元三年

金石錄

贈吏部尚書襄武公李祕碑

唐李迥秀撰并書開元三年立

京兆金石錄

盧藏用碑

開元四年立在容州報恩寺

輿地
碑目

有道先生葉公碑

李邕撰并行書開元五年三月碑在開封府

金石
錄

唐松陽令李邕撰并書國重道術之士字雅鎮南陽

葉縣人碑以開元五年三月立

集古
錄目

開元五年有道先生葉公碑李邕撰并書余集古所

錄李邕書頗多最後得此碑於蔡君謨君謨善論書

為余言邕之所書此為最佳也

集古
錄

李邕既為撰碑而難於書法善追其魂而書之世號
追魂碑其間用字多差誤是時夜艾鍾鳴李公書未
畢而覺碑因存而不易續以碑示邕邕笑曰初以為

夢今果然耶

葉法
善傳

追魂碑紹興十四年大雷碎其石

諸道石
刻錄

北海分隸固自適逸雖于漢人不無小遜而與梁昇
卿韓擇木輩逐鹿未知死誰手矣又趙明誠錄葉氏
二碑一為邕行書一為韓擇木八分書此正分書而

曰邕不知何故宣后世翻本者未見邕碑而以韓書

附會邕名耶書以俟考

石墨
鐫華

有道之子慧明孫法善三世為道士明皇時法善見
尊寵其祖若父之墓碑邕皆撰而書之可謂溫美書
法秀逸閑雅不見欹側之態蔡君謨謂邕書最佳者

良然

潘來金石文
字記補遺

光祿少卿姚彞碑

撰人姓名殘缺徐嶠之正書開元五年四月

金石
錄

贈歙州刺史葉慧明碑

韓擇木撰并八分書開元五年七月

金石錄

唐松陽令李邕撰國子監太學生韓擇木八分書慧

明字道昭南陽人隱居學道玄宗時子法善以道術

顯為鴻臚卿追贈慧明歙州刺史碑以開元五年七

月立

集古錄目

開元五年江夏李

下闕二字當是李邕撰

國子監太學生

下缺三字

八分書

金石文字記

盧懷慎碑

蘇題撰明皇八分書開元五年

金石錄

唐禮部尚書蘇題撰玄宗八分懷慎字懷慎范陽人

官至黃門監謚曰文成碑以開元八年立

集古錄目

右唐盧懷慎碑蘇題撰其敘懷慎官閥其畧云公諱

德慎字懷慎而史不載其字又云上因游鄆杜北望

京闕歸然有公之別廬抵其宅室甚陋據此所書乃

明皇嘗幸其第而史乃云馳使問之非也史又云懷

慎屬疾宋璟盧從愿候之臨別執二人手曰上求治
切然享國久稍倦于勤將有憺人乘間而進矣蓋謂
楊李也果如此懷慎可謂先見然獨新史用之舊史
不載按懷慎以開元四年卒是時明皇新即位登用
賢俊銳于為治之時也乃曰享國久倦于勤何哉疑
初無此事蓋唐史喜取小說所載故事多誤謬以此
知是非取去秉史筆者豈可不慎

金石錄

唐楊玄琰碑

崔沔撰梁昇卿八分書開元六年四月

金石錄

魏州刺史魏叔瑜碑

張說撰子華正書開元六年五月

金石錄

荊州大都府長史燕國公張說撰叔瑜次子安州都

督華書叔瑜字思瓘鉅鹿下曲陽人太尉鄭文貞公

之子官至豫州刺史碑以開元六年五月立

集古錄目

太子少傅竇希瑊碑

李湛然撰魏華正書開元六年十月

金石錄

唐著作郎李湛然撰陝王府司馬魏華書希城字美玉扶風平陵人位至太子少傅贈司空碑以開元六

年六月立

集古錄目

太子左庶子韋維碑

唐汝州刺史崔日用撰國子監丞郭謙光八分書維字文紀京兆杜陵人官至太子右庶子碑以開元六

年立

集古錄目

尹知章碑

開元六年國子博士尹知章卒門人孫季良等立碑

於東都國子監之門外以頌其德

舊唐書本傳

于知微碑

姚崇撰正書無姓名開元七年六月

金石錄

兗州都督于知微碑姚崇撰開元七年六月三日建

在三原

復齋碑錄

右監門衛將軍安思恭碑

蘇訥撰陳少平書開元七年

京兆金石書

徐州刺史蘇說碑

裴耀卿撰劉升八分書開元七年八月

金石錄

納職令王行碑

著作郎楊齋哲撰吏部常選南朝馮缺令行字缺訛不可辨太原人官至伊州納職令碑以開元七年五

月立

集古錄目

李思訓碑

李邕撰并行書開元八年六月

金石錄

思訓從子福州刺史李邕撰并書思訓字建景官至

右武衛大將軍

諸道石刻錄

懷州刺史陶大舉碑

姚崇撰徐嶠之正書開元八年

金石錄

遂城令康府君碑

沈淮南撰徐浩正書開元九年十月

金石錄

洛陽尉贈朝散大夫馬允中碑

開元九年

金石略

相州刺史竇忠仁碑

國子祭酒徐堅撰八分書不著書人姓氏忠仁字恕

扶風平人位至相州刺史碑以開元十年立

集古錄目

郭知運碑

蘇頲撰魏華正書開元十年七月

金石錄

郭知運碑銘開元十年蘇頲撰其書知運子四人皆有次第曰英傑英奇英協英彥而張說亦為知運撰碑其書知運子與頲正同而史書知運傳書其子二

人而無英奇英協英彥但云二子英傑英人而已英
奇等三子在唐不顯史家闕畧尙或有之英人嘗為
西川節度其事其著史官不應失其世家而二公作
銘在知運卒後不遠亦不應闕其子孫莫可究其孰
失也姑志之以俟知者

集古
錄

右唐郭知運碑蘇頲撰知運有兩碑其一張說文唐
書知運傳載其子二人曰英傑英人而蘇張二公所
為碑書其子四人曰英傑英奇英協英彥而無英人

歐陽公疑焉以謂英奇等三子在唐不顯史家缺漏
尚或有之英人嘗為西川節度使其事甚著而史官
不應差其世家而蘇張二公作銘在知運卒後不遠
亦不應缺其子孫莫可究其孰失余按代宗實錄云
英人知運季子而元載所為英人墓誌亦云隴右節
度使知運公之皇考也然則英人為知運子無疑又
按英人碑云公以天寶二載筮仕蓋知運以開元九
年卒明年立碑碑所載諸子皆已有名位英人時方

孩幼且未從仕故碑未載耳余又嘗得徐浩所為英
傑碑有云移孝于忠二葉四將齊名當代同氣十人
然則知運諸子碑傳缺漏者尚多不獨此三人而已

德宗實錄又有郭英幹云英義弟也

金石錄

郭知運後碑

張說撰梁升卿八分書開元十一年五月

金石錄

右庶子于府君碑

姪孺卿撰沙門重潤八分書開元十年七月

金石錄

高行先生徐公碑

姚奕撰序賀知章銘徐嶠之正書開元十一年四月

金石錄

歙州刺史郭府君碑

開元十一年金石錄

池州刺史馮公碑

崔尚撰郭謙光八分書開元十一年今在咸陽縣其

文曰公諱仁闕字闕玄長樂人馮文王之胤也仁下

闕一字金石文記

字記

漢陽太守趙承碑

秦府法曹楊景撰開元十二年

輿地
碑目

都督隴右羣牧使贈太僕卿韋公碑

開元十三年金石

畧

贈工部尚書臧懷恪碑

撫州刺史顏真卿撰并書懷恪字貞節東莞人官至

右武衛大將軍贈工部尚書碑以開元十二年立在

三原

集古錄目

興州司馬王公碑

郭子晉撰趙崇德行書開元十三年十月

金石錄

衛尉正卿泉君碑

長子隱奉撰敘仲子伯逸正書蘇晉撰銘彭泉正書

開元十五年三月

金石錄

右唐泉君碑泉君者高麗蓋蘇丈之孫泉男生之子

也高宗時與男生同歸朝仕為衛尉卿按唐書及元

和姓纂皆云名獻誠今此碑乃云諱實以字行於代而闕其字不書姓纂云獻誠生玄隱而碑但云名隱而已獻誠出于東國事跡無足考究錄之以見史傳

所載名字異同耳

金石錄

左驍衛大將軍趙元禮碑

潘肅撰陸堅八分書開元十五年又九月

金石錄

右唐趙元禮碑潘肅撰元禮趙麗妃之父本山東倡也明皇在潞麗妃以倡得幸後生太子瑛開元初元

禮父子皆超遷至顯官其卒贈越州都督謚曰忠詔
為立碑稱述其盛夫爵祿天子公器所以待有德與
有功者雖人主不得而私焉明皇昵于內寵擢用匪
人至為賜謚立碑尊寵如此使天下之士亦何所勸
乎論者徒知明皇自天寶以後綱紀廢弛卒致播遷
之禍不知其祚席無別履霜不戒所從來久矣金石
錄

岷州刺史王君碑

李邕撰梁昇卿八分書元行冲題額開元十五年立

訪碑
錄

贈夔州都督王方翼碑

張說撰陸堅八分書開元十六年十月

金石錄

元行冲篆額

訪碑錄
餘同上

右唐王方翼碑張說撰其事與唐書列傳皆合以校

余家所藏燕公集本不同者二十餘字皆當以碑為

是也

金石錄

張嘉貞碑

王邱撰陸堅八分書開元十七年十一月

金石錄

張嘉貞後碑

李邕撰蔡有鄰八分書開元二十六年四月 碑陰

蔡有鄰八分書

金石錄

張嘉正碑蔡有鄰八分書按李絳論事集

缺

言

吐突承瓘於安國寺為憲宗立紀聖德碑乃先立碑
建樓然後請學士撰文絳疏論以為不可憲宗遽命
以牛百頭拽碑倒蓋未撰文而先立碑建樓此碑有

鄰云立書亦應先立石矣今人立碑須鐫刻成文然

後建立蓋今昔所為不同各從其便爾

集古錄

萊州刺史于府君碑

撰人姓名缺沙門重潤分書開元十七年七月

復齋碑錄

涼州都督王君真碑

唐張說撰玄宗分書開元十七年

京兆金石錄

左監門衛將軍趙元亨碑

唐張說撰崔庭玉書開元十七年立

京兆金石錄

游擊將軍薛侯碑

趙含章撰并行書開元十八年三月

金石錄

蕭灌碑

張說撰梁升卿八分書開元十八年五月

金石錄

尚書左相張說撰梁昇卿八分書明皇八分題額府

君名灌字玄茂南梁蕭簪之後仕至渝州刺史子嵩

為尚書令贈府君吏部尚書碑以開元十八年五月

立

集古錄目

右唐蕭灌碑張說撰云灌為內直監以外艱去職當
免喪不就祥縞不撤几筵者久之夫禮為可傳也為
可繼也子路有姊之喪可以除之矣而弗除也孔子
曰何弗除也子路曰吾寡兄弟而弗忍也孔子曰先
王制禮行道之人皆弗忍也子路聞之遂除之灌
父喪當除其母無恙而過時不釋服不撤几筵豈禮

也哉

金石錄

冠軍大將軍臧懷亮碑

李邕撰并行書開元十八年十月

金石錄

唐懷州刺史李邕撰并書懷亮字明時東莞莒人官

至左羽林大將軍碑以開元十九年立在三原

集古錄目

右唐臧懷亮碑李邕撰并書臧氏世墓在耀州三原

有數碑余盡得之元和姓纂云懷亮生希讓為渭北

節度使此碑具載懷亮諸子無名希讓者以余家所

有顏魯公書懷恪碑考之希讓蓋懷恪子云

金石錄

贈太尉裴行儉碑

右丞相張說撰裴璿書行儉字約河東聞喜人官至
禮部尚書金牙道大總管謚曰憲開元中追贈至太
尉碑以開元十八年立在聞喜

集古
錄目

廣州都督馮君衡碑

尚書左丞相張說撰中書令鍾紹京書君衡長樂人
子力士為冠軍大將軍贈君衡廣州都督碑以開元

十八年立

集古
錄目

楊歷碑

李邕撰序鍾紹京撰銘并行書開元十九年五月石

錄

唐贈號州刺史楊歷碑陳州刺史李邕撰序歷義男
前侍中書令鍾紹京撰銘并書歷字晦本姓蘇氏其
子思勗為宦官姓楊氏因亦改歷姓開元中思勗為
輔國大將軍贈歷號州刺史碑以開元十九年立其
後具載義姪高力士及義男王守麟等官爵

集古
錄目

右唐楊歷碑題云義男光祿大夫前中書令上柱國

越國公太子右諭德潁川鍾紹京撰銘并書歷中官
楊思勗父也紹京出于胥吏無他才能特以夤緣附
會致位宰相固無足道者然屈于閹豎至以父事之
而又著之金石畧無愧恥亦甚矣書之可以為後來
之戒而新舊史皆闕焉故余詳錄之于此者有以見
小人苟可以得利無不為也

金石錄

亳州刺史李行正碑

崔圓月撰魏包八分書開元十九年九月

金石錄

愛州刺史徐元貴碑

鍾紹京撰并行書開元二十年五月

金石錄

歙州刺史郭茂貞碑

賀知章撰八分書姓名殘缺開元二十年十月

金石錄

職方郎中韋知人碑

梁陟撰馬拯正書族子若訥篆額開元二十年

京兆金石

錄

唐誠節公馮昭泰碑

唐棟王洽撰中書舍人內供奉梁昇卿八分書昭泰
字遇聖仕至括州刺史謚曰誠後以其子紹烈贈為
工部尚書此其寢廟碑也立宗親為題額加謚誠節
碑以開元二十一年立

集古
錄目

唐請立馮公碑表

昭泰子紹正等請立廟碑表梁升卿八分書并墨詔
同刻散騎常侍陸堅題額

集古
錄目

墨詔答馮紹正表梁昇卿八分書開元二十一年

京兆

欽定四庫全書

卷六十八

金石錄

涇州刺史牛意碑

張九齡撰八分書姓名殘缺開元二十二年

金石錄

贈太子詹事王同暉碑

孫逖撰史惟則八分開元二十三年正月

金石錄

同州刺史解琬碑

蘇頲撰梁昇卿八分書開元二十三年五月

金石錄

右監門衛上將軍黎景仁碑

張九齡撰崔庭玉書開元二十二年立

京兆金石錄

右唐解琬碑琬武后中睿朝為將有功新舊史皆有傳所書事跡終始與碑多合惟碑與舊史皆云琬以

開元六年卒而新史以為卒于五年者誤也

金石錄

沁州刺史馮仁碑

崔尚撰郭謙光書開元二十二年

京兆金石錄

贈兖州都督裴守貞碑

崔沔撰梁昇卿八分書開元二十四年二月

右唐裴守真碑云守真曾祖景周富平令祖正長平
郡贊治考脊鄭令新唐史宰相世系表亦云景生正
隋散騎常侍正生脊字歸厚為鄴令而元和姓纂乃
云正生歸厚歸厚生脊者誤矣惟守貞及其子耀卿
碑皆云正為長平郡贊治而世系表言為散騎常侍
又云脊字歸厚不知何所據也

金石錄

光祿少卿鄭魯碑

梁昇卿撰并八分書開元二十四年五月

金石錄

贈太師裴光庭碑

詳見御書類

元氏令龐履溫碑

邵混之撰蔡有鄰八分書開元二十四年二月今在

元氏縣西寺內

金石文字記

太僕少卿杜元道碑

韋述撰子昆吾書裴耀卿題諱殷承業書額開元二

十四年立

京兆金石錄

許王素節碑

李邕撰孫隋國公隨行書開元二十六年四月

金石錄

右武衛大將軍趙侍賓碑

梁涉撰吳承嗣行書開元二十六年

京兆金石錄

荊州都督府長史孫公碑

張嘉貞撰子庭諷書開元二十六年

訪碑錄

內常侍趙泰宗碑

男尚客撰胡秀八分書開元二十八年二月

金石錄

幽州刺史元懷景碑

皇甫彬撰正書開元二十八年二月

金石錄

太子賓客龐承宗碑

蘇題撰梁昇卿八分書開元二十八年八月

金石錄

吏部尚書楊仲昌碑

席豫撰鄆縣篆書開元二十八年

金石錄

楊仲昌後碑

韓擇木八分書大歷七年七月附建

金石錄

唐檢校禮部尚書席豫撰太子少保致仕韓擇木八

分書仲昌字

缺

開元中官至吏部郎中碑以大歷

六年追立在鄉

集古錄目

右唐楊仲昌碑席豫撰鄔繇篆仲昌有兩碑其一韓

擇木八分書刻于此碑之陰文皆同仲昌元琰子也

唐書元琰列傳與崔沔所撰元琰碑皆云漢太尉震

十八代孫此碑乃以仲昌為二十代唐世士人譜牒

猶班班可考今元琰仲昌父子碑刻不應差其世次

不同如此莫可曉也

金石錄

唐屯留令邢義碑

右唐邢義碑邢義和璞父也元和姓纂云和璞父名思孝為漢州都督而碑乃云公諱義字思義仕為屯留令又姓纂云後魏光祿卿邢虬虬生臧臧生玄助玄助生思孝思孝生和璞而碑乃云玄助之祖名子良皆當以碑為據

金石錄

右威衛將軍高廣濟碑

梁涉撰序高力士撰銘并行書開元二十八年

京兆金石

錄

邠州刺史韋鈞碑

韓休撰杜昆吾分書并篆額開元二十八年

京兆金石錄

右驍衛大將軍范安及碑

韋述撰吳承嗣書開元二十八年

京兆金石錄

左散騎常侍尹愔碑

吳翬撰韓擇木八分書開元二十八年

京兆金石錄

裴大智碑

李邕撰蕭誠行書開元二十九年十一月

金石錄

滑州刺史李邕撰司勳員外郎蕭誠書大智河東人
官至淄川縣令碑以開元二十九年十一月立在濟

源

集古錄目

開元二十九年裴大智碑李邕撰蕭誠書誠以書知
名當時今碑刻傳於世者頗少余集錄所得纔數本
爾以余之博采而得者止此故知其不多也然字畫
筆法多不同疑模刻之有工拙惟此碑及獨孤丹碑

字體同而最佳冊碑在襄陽而不完可惜也二碑皆

李邕撰而誠書焉

集古錄

屯衛將軍東都留守盧府君碑

開元中立

金石錄

贈司農卿李元紘碑

韓休撰陸去泰分書開元中立

京兆金石錄

武衛將軍柳泰碑

開元中郭訥撰右武衛將軍柳泰碑云碑篆盡假於

余篆翰徒施實慙於墨妙貞石既刻有愧於色絲大

荒

英華

雲麾將軍李秀碑

李邕撰并行書天寶元年正月

金石錄

右唐李秀碑李邕撰并書碑在幽州按明皇以天寶

三年改年為載今此碑元年正月立而稱元載何哉

金石錄

李北海雲麾將軍碑永樂丙申用之在北京以寄余

者此碑出良鄉縣北海所書有兩雲麾將軍碑其一
在陝西陝西者李思訓良鄉李秀也陝西者書法差
勝然余蓄北海書獨此及岳麓寺碑其紙墨又此碑

差勝也

東里
續集

李北海書雲麾將軍碑為第一其融液屈衍紆徐妍
溢一法蘭亭但放筆差增其豪豐體使益其媚如盧
詢下朝風度閑雅縈轡回策儘有蘊藉三郎顧之不
覺歎美雲麾碑刻在長安良鄉縣有拓本遠不如也

今長安碑已亡惜哉

楊升庵集

古墨齋記云良鄉縣學有雲麾將軍碑蓋唐北海刺史李公邕所書也雲麾將軍名秀幽州人事蹟具載碑中天寶三載正月建公書雲麾將軍碑二其一為左武尉李思訓其一此碑也舊置官廨不知何時為校官裂為柱礎墨本遂不見於世好古者深惋惜之近復修學舍更以新砥置而不用推之瓦礫中過者不晚也友人邵生正魁董生鳳元往經其地蹤跡之

則古礎存焉規如鐵鑑字尚未泐也以語宛平李侯
于美侯喟然興歎寓書縣令輦致都下將為亭以覆
之視寢室之右有別館可度亟塗墍之納礎其中屬
藩參王子世懋署之曰古墨齋志存舊也按公仕武
后朝為郎官辨魏元忠事以直節自見終其身不變
蓋社稷之臣也當時不能用而媚嫉者忌之以死可
以知唐室之不競矣獨其書法之妙出入二王而奇
偉倜儻類其為人社工部所謂碑版照四裔李集賢

以為書家仙手其流品可知已是雖推剝之餘見之
猶令人起敬況其解衣盤礴時邪良鄉京師衢術之
交為吏者疲於奔命宜其不知護惜彼豎儒從而斧
之庸妄紛如亦何誅焉侯以雋雅善文章浩穰繁劇
戴星出入乃能庇覆於散落之餘使先賢妙蹟頓還
舊觀不唯好奇多愛而興廢補敝亦可以槩其為政
矣且宛平赤縣也宜有金石志其興作之歲月周視
解字迄無傳焉侯始亭而碑之俾采風者得以故事

列於紀載文獻將有徵焉非侯之功邪亭成侯歌以
落之和者自博士歐子大任而下凡若干人民表從
鉛槧之後因記其事甘棠之愛庶幾勿翦焉侯名廕
南陽人萬厯六年歲次戊寅夏六月嶺南黎民表撰
并書承德郎知宛平縣事南陽李蔭建

沈榜宛
署雜記

李北海翩翩自肆乍見不使人敬而久乃愛之如蔣
子文佻佻好酒骨青竟為神也吳興習之加媚似猶
未得其道此雲麾將軍碑尤著者將軍名思訓畫品

在神妙間碑辭絕不之及宜古人以藝為諱耶

弇州山人

集

北海書逸而邁米元章謂其屈強生疎似為未當此碑是其得意者雖剝蝕過半而存者其鉅鍛凜然碑在蒲城楊用修謂已斷正德中劉遠夫御史以鐵束之又謂已亡朱秉器又謂良鄉亦有此碑蒲城者為趙文敏臨書今蒲城碑尚在未斷無有鐵束事且蒲城李思訓墓處北海真蹟的非文敏所能良鄉本肥

媚大敏書無疑楊米二公未嘗至蒲城而朱公尤為

督斷

石墨
鵠華

此碑文多不全獨此刻前後讀之皆有倫次當是石

未泐時拓本殊可寶藏歐陽金石錄每有不以書家

見收者況北海為書中仙乎

畫禪
隨筆

孫承澤春明夢餘錄曰李秀字玄秀范陽人以功拜

雲麾將軍左豹韜衛翊府中郎將封遼西郡開國公

開元四年卒塋范陽之福祿鄉此碑為靈昌郡太守

李邕文并書逸人太原郭卓然模勒并題額李北海
有兩雲麾碑一為李思訓碑在蒲城一為此碑其官
同其姓同也趙子丞秦人未見此碑其著石墨鵠華
乃以為一碑又以此碑為趙子昂所臨誤矣碑不知
何時入都城萬歷初宛平令李蔭署中掘地得六礎
洗視乃此碑存者百八十餘字碑首存唐故雲三字
因築室砌之壁間名曰古墨齋後移少京兆署中止
二礎其四礎相傳萬歷末王京兆惟儉攜之大梁

金石

文字記

鄂州刺史盧府君碑

李邕撰并行書天寶元年二月

金石錄

興州司馬王府君碑

郭子晉撰趙崇德行書天寶元年二月

金石錄

監察御史李希倩碑

李邕撰梁昇卿八分書徐浩篆額天寶二年四月

金石

錄

靈州都督李琳碑

撰人姓名殘缺杜溫元八分書天寶三年

金石錄

資州刺史韋光碑

趙良器撰族子若訥八分書天寶三年七月

金石錄

駙馬都尉豆盧建碑

張洎撰韓擇木八分書天寶三年八月

金石錄

衛尉卿駙馬都尉張洎撰諸王侍書蔡王府司馬韓擇木八分書并額建字立言河南人尚玄宗女建平

公主位至太僕卿駙馬都尉碑以天寶三年七月立

集古

錄目

右唐豆盧建碑云建其先慕容氏前燕枝族也九世
祖萇在魏賜姓豆盧氏封北地王按元和姓纂云慕容
運孫北地王精之後魏道武賜姓豆盧氏精生醜
醜曾孫萇生寧而北史寧傳云寧曾祖勝以燕皇
始初歸後魏授長樂郡守賜姓焉唐距北朝未遠氏
族書完備士大夫人人能知其得姓之自今碑與北

史姓纂所載不同如此皆莫可攷

郇國公碑

季子適之撰史惟則八分書天寶四年九月

金石錄

梓潼太守竇履溫碑

李之芳撰天寶四年

京兆金石錄

北齊范陽令宋君碑

郭慎微撰史惟則八分書天寶四年九月

金石錄

陳留太守徐暉碑

李邕撰徐浩行書天寶五年八月

金石錄

尋陽郡司馬程玄封碑

邢韶撰徐浩行書天寶六年七月碑在東京上東門

外三里道北積閏村

金石錄

顏惟貞碑

陸據撰蔡有鄰八分書天寶六年十月

金石錄

北海太守竇誠盈碑

徐浩撰并八分書題額李過正書天寶七年正月

金石

錄

贈太尉吳令珪碑

裴士淹撰張少悌正書大歷六年立在香爐銘後

北京

金石錄

贈東平太守章仇玄素碑

韋述撰蔡有鄰八分書天寶七年立

諸道石刻錄

竇居士神道碑

天寶六載李邕撰段清雲行書

金石文字記

補唐淮陽司馬贈東太守章仇玄素碑為翰林學士
內供奉蔡有鄰書取法以時趣不能甚古而於嚴勁
中微有情似勝韓擇木玄素者劍南節度使兼瓊父
以子貴恩封其文翫瑣紀詔辭門閤而已兼瓊利臣
齷齪李楊二右相門不足道第天寶七載之碑見於
金石錄者凡八而有鄰書獨有名而獨見遺所不可

曉

弇州
續業

太子司議郎王允碑

李華撰朱燦八分書天寶七年十月

金石錄

陽城郡太守趙公奭碑

馮用之撰韓擇木八分書衛包篆額天寶八年五月

金石錄

郭先生碑

李迪撰徐浩行書天寶八年七月

金石錄

徐嶠之碑

李邕撰季子浩正書天寶八年十月

金石錄

內常侍陳文叔碑

李邕撰劉泰行書天寶九年十二月

金石錄

太原尹韋湊碑

族子韋述撰韓擇木分書天寶九年

京兆金石錄

禮部尚書徐筠碑

陶翰撰蔡有鄰書天寶九年

京兆金石錄

大理評事陶翰撰翰林待詔左衛率府兵曹參軍蔡有鄰八分書徐筠字南美東海人也垂拱中官至禮

部尚書碑以天寶九載立

集古錄目

新安郡太守張公碑

韋述撰徐浩正書史惟則篆額天寶十年十月

金石錄

戶部尚書韋章仇兼瓊碑

檢校倉部郎中馮用之撰左衛率府兵曹參軍集賢殿待制蔡有鄰八分書兼瓊字兼瓊魯郡任城人官

至戶部尚書殿中監謚曰忠碑以天寶十年立

集古錄目

贈太常卿張義方碑

張謚正書天寶九年

京兆金石錄

工部尚書郭虛已碑

顏真卿撰并書天寶十一年

金石錄

河南府叅軍郭揆碑

顏真卿撰并正書天寶十一年三月

金石錄

右驍衛將軍劉仲獎碑

王卓撰僧智銓書天寶十二年

金石錄

贈文部郎中薛悌碑

蘇預撰徐浩八分書天寶十三年二月

金石錄

國子司業蘇預撰武部郎中徐浩八分悌長盧人中

宗時為雍州司兵叅軍坐魏元忠流死袁州天寶中

子伯連為咸寧令追贈悌又部郎中

集古錄目

資州刺史裴仲將碑

陸璩撰徐浩八分書并篆額天寶十三年

金石錄

贈坊州刺史韋餘慶碑

徐浩八分書天寶十三載

諸道石刻錄

永陽太守姚奕碑

達奚珣撰徐浩正書并八分題額天寶十四年二月

金石錄

右唐姚奕碑奕崇子也新唐史云崇謚文獻而此碑及張說所撰崇碑皆云謚文貞蓋崇父懿已謚文獻

父子罕有同謚者當以碑為正

金石錄

贈汝南太守郭慎徽碑

族弟汭撰顧戒奢分書天寶九載立

京兆金石錄

代州都督薛仁貴碑

著作郎弘文館學士苗神客撰仁貴玄孫領軍衛兵
曹參軍伯疑書薛禮字仁貴河東汾陰人官至明威

將軍代州都督碑以天寶二年立在安邑

集古錄目

薛仁貴碑苗神客撰云公諱禮字仁貴河東汾陰人
也唐書列傳云仁貴絳州龍門人不云名禮余家
集錄薛氏碑尤多據仁貴子楚玉碑亦云父仁貴爾
仁貴為唐名將當時甚顯著往往見於他書未嘗有

云薛禮者仁貴本田家子奮身行陣其僅知姓名爾其曰名禮字仁貴者疑後世文士或其子孫增為之也列傳又載仁貴降九姓事云軍中為之歌曰將軍三箭定天山戰士長歌入漢關仁貴卒於永淳中碑以天寶中建不載漢關之歌不應遺畧疑時未有此

歌亦為後人所增爾

集古錄

補

池州刺史馮公碑

此當是道士馮道力父名仁

闕

字太玄道力與劉承

祖占玄宗當受命潛布款誠開元中拜道力銀青光祿大夫冀國公而入拜其父朝散大夫使持節池州諸軍事池州刺史也開元十一年五月卒十一月壬申葬咸陽北原建碑今在長陵西碑云意得玄珠謀參黃石同心戴舜以為天子蓋指玄宗受命事也書者為國子監丞郭謙光謙光入當書韋維碑見鄭樵金石畧朱長文古碑考則其書亦小有聲者此碑分

隸自是名家惜剝蝕不可損余與王咸陽從碑上錄之王公刻入金石遺文字多舛謬攷道力與劉承祖同事承祖開元十年坐姜皎事配雷州詔百官不得與卜祝之人往來而道力父尚爾建碑禍不及耶以道力事不顯故參攷而著之

石墨
鐫華

右碑在縣東四十里漢長陵西下許野中字八分書剥落過半存者儘有可玩近下半入土中北望平衍莫知墓之所在拂拭苔蘚辨別形似讀之如右郭監

丞當時名筆又分書唐太子右庶子韋維碑古碑考

載在京兆向未搜得得見是碑亦差慰想並記

金石遺文

贈工部尚書臧懷恪碑

魯公此書偉勁而骨稍瘦於家廟諸碑皆可重也


石墨

鐫華

今在三原縣九陂城臧氏墓上碑文有廣德元年十

月字

金石文字記



六藝之一錄卷六十八